



**Deputación
DA CORUÑA**

ACTAS, REXISTRO E INFORMACIÓN



Achégolle certificación da moción en defensa da autonomía local, aprobada pola Deputación Provincial da Coruña na sesión plenaria ordinaria celebrada o vinte e oito de abril de dous mil dezasete.

A Coruña, 8 de maio de 2017

O PRESIDENTE



Valentín González Formoso

DEPUTACIÓN PROVINCIAL DE A CORUÑA
REXISTRO XERAL

11 MAI 2017

SAÍDA n.º 7 3 9 4

FEDERACIÓN GALEGA DE MUNICIPIOS E PROVINCIAS



**Deputación
DA CORUÑA**

**DON JOSÉ LUIS ALMAU SUPERVÍA, SECRETARIO XERAL DA EXCMA.
DEPUTACIÓN PROVINCIAL DA CORUÑA**


CERTIFICA: Que o Pleno da Deputación Provincial da Coruña na sesión plenaria ordinaria celebrada o vinte e oito de abril de dous mil dezasete aprobou a seguinte moción:

**“MOCIÓN DOS GRUPOS PROVINCIAIS DE COMPOSTELA ABERTA E MAREA
ATLÁNTICA EN DEFENSA DA AUTONOMÍA LOCAL.**

EXPOSICIÓN DE MOTIVOS

Tal e como afirmou a Federación Española de Municipios e Provincias na súa Resolución de 6 de abril, as administracións locais son as únicas administracións públicas que compren cos obxectivos de estabilidade e de redución do déficit público. No exercicio de 2016, o conxunto das corporacións locais xerou un superávit do 0,64% do PIB. Porén, no proxecto de Lei de Orzamentos Xerais do Estado para este exercicio continúan as restricións para que invistan eses fondos, e para que contraten persoal co cal prestar máis e mellores servizos públicos.

Por se foran poucas as trabas, o Proxecto de Lei de Orzamentos Xerais do Estado para o ano 2017, presentado o pasado 4 de abril, contén unha nova ameaza. Ademais de outras cuestións que afectan ao conxunto de municipios de Galicia, como a caída global do investimento, o Proxecto inclúe unha Disposición Adicional, a número 27, titulada “Limitacións á incorporación de persoal laboral ao sector público”.



Esta disposición nega a posibilidade de incorporar como empregados públicos ás persoas traballadoras en empresas contratistas de obras ou servizos públicos, no caso de que os contratos “se extingan polo seu cumprimento, por resolución, incluído o rescate, ou se se adopta o secuestro ou intervención do servizo”; e tamén ao persoal laboral que preste servizos en sociedades mercantís públicas, fundacións do sector público, consorcios, en persoas xurídicas societarias ou fundacionais que vaian a integrarse nunha Administración Pública.

O que pretende o Goberno do Estado, de facto, é impedir os procesos de remunicipalización da xestión de servizos públicos que na actualidade están desenvolvendo algunhas administracións públicas, como é o caso desta Deputación en relación co servizo de extinción de incendios. Estes procesos de internalización son a resposta natural á constatación social, política e mesmo xurídica, da ineficiencia e encarecemento na prestación dos servizos a través de contratas. As administracións públicas perderon o control do servizo público e acabouse por impor o interese privado. Moitas veces, como é o caso hoxe en España, o lexislador non só non corrixiu os abusos empresariais senón que preparou e facilitou a súa comisión.

Os resultados electorais que se produciron desde o 15M poñen de manifesto que a cidadanía demanda outra forma de xestión e de regulación dos servizos públicos externalizados e privatizados que garantan un estándar de vida digno a toda a poboación. Moitos concellos de todo o Estado gobernados por forzas e coalicións progresistas, en especial os chamados gobernos do cambio, levan impulsando desde


as eleccións municipais de 2015 procesos de remunicipalización da xestión de servizos públicos.

A disposición relativa o persoal das empresas concesionarias que se inclúe no proxecto de lei de Orzamentos do Estado, xunto coas limitacións da taxa de reposición de persoal ao servizo das administracións públicas que constitúe a denominada doutrina Montoro, impide de facto a súa subrogación por parte dos concellos ou entidades de dereito público que deles dependan.

En caso de que, excepcionalmente, unha sentenza obrigue a incorporar a este persoal, contabilizará como novo ingreso no cómputo da taxa de reposición de efectivos, o cal impedirá que as administracións locais suplan baixas por xubilación ou postos vacantes, minguando así a súa actividade ordinaria e impedindo a remunicipalización da xestión daquelas contratadas intensivas en persoal, que son, na práctica, case todas.

Esta medida implica que as persoas traballadoras das concesionarias perderían o dereito á subrogación que teñen recoñecido por normativa laboral, se o servizo se xestiona desde o sector público. O contido da disposición ten unha vixencia temporal indefinida, e non está motivada nin razoada.

A verdadeira intención do Goberno do Partido Popular con esta proposta normativa non pode entenderse máis que coma un movemento a favor das grandes empresas concesionarias, das súas contas de resultados e dos seus accionistas. Non contentos con teren privatizado as empresas públicas estatais máis rendibles, entregándoas en mans dos seus empresarios amigos, agora queren blindar o negocio dos servizos públicos locais.



Neste sentido a disposición adicional vixésimo sétima é un auténtico cabalo de Troia que atenta contra a autonomía municipal, o enésimo ataque contra unha autonomía municipal cada vez máis limitada. Deberan ser as Corporacións Locais quen decidiran, dentro do marco legal establecido, se prestar de forma directa ou indirecta os servizos que son da súa competencia. Esta capacidade de decisión nunca pode ser furtada a través de subterfuxios polo Goberno do Partido Popular. Queda feo que o faga, ademais, cando precisamente acaba de perder a súa hexemonía política no ámbito municipal.

A disposición referida entra en contradición co Artigo 2 da Lei 7/1985, Reguladora de Bases de Réxime Local, que garante a autonomía das entidades locais e obriga a que a lexislación estatal asegure o dereito das corporacións a intervir en cantos asuntos afecten directamente ao seu círculo de intereses, conforme aos principios de descentralización e máxima prioridade da xestión administrativa.

O artigo 85.2 da Lei 7/1985, de 2 de abril, establece ademais que os servizos públicos de competencia local haberán de xestionarse do xeito máis sostible e eficiente, ben a través de xestión directa, ben por un organismo local, a través de entidade pública empresarial local, ou por unha sociedade mercantil local. Se a disposición adicional entrara en vigor, este artigo quedaría, na práctica, sen efecto.

Por estes motivos, propónse ao Pleno da Deputación provincial de A Coruña a adopción do seguinte



**Deputación
DA CORUÑA**

ACORDO

- 1.- Rexeitar o intento de interferir na autonomía da administración municipal a través da Disposición Adicional Vixésimo Sétima do Proxecto de Lei dos Orzamentos Xerais do Estado para 2017, que pretende dificultar os procesos de remunicipalización e xestión pública de servizos externalizados a través de concesións administrativas.
- 2.- Solicitar aos grupos políticos con representación nas Cortes Xerais que, no prazo de tramitación do Proxecto de Lei dos Orzamentos Xerais do Estado para 2017, deixen sen efecto o contido da Disposición Adicional Vixésimo Sétima.
- 3.- Instar á Federación Galega de Municipios e Provincias e á Federación Española de Municipios e Provincias a manifestarse en contra da Disposición Adicional Vixésimo Sétima do Proxecto de Lei de Orzamentos Xerais do Estado para 2017."

E para que conste e sen prexuízo dos termos da aprobación da acta, segundo o disposto no artigo 206 do Regulamento de organización, funcionamento e réxime xurídico das Corporacións locais, expido a presente de orde e co visto e prace do Sr. Presidente na Coruña a oito de maio de dous mil dezasete.

Vº e Pr.



O PRESIDENTE



The first part of the document is a letter from the Secretary of the Department of Health, dated 11th November 1994. The letter is addressed to the Director of the Health Service Commissioning Group. The letter discusses the need for a new approach to commissioning health services, particularly in the area of mental health. It mentions the need for a 'new paradigm' and the importance of 'value for money' and 'quality of care'. The letter also refers to the 'Health Service Commissioning Group' and the 'Mental Health Commissioning Group'.

The second part of the document is a letter from the Director of the Health Service Commissioning Group, dated 14th November 1994. This letter is addressed to the Secretary of the Department of Health. It discusses the progress of the Health Service Commissioning Group and the Mental Health Commissioning Group. It mentions the need for a 'new paradigm' and the importance of 'value for money' and 'quality of care'. The letter also refers to the 'Health Service Commissioning Group' and the 'Mental Health Commissioning Group'.

2



13